

**TEKS UCAPAN LT. KOL. PROF. DR. KAMARUDIN HUSSIN SEMPENA
MALAM ANUGERAH PERKHIDMATAN CEMERLANG KOLEJ UNIVERSITI
KEJURUTERAAN UTARA MALAYSIA (KUKUM) KALI KE-DUA DI DEWAN
SIVIK, ARAU PADA 28 APRIL 2004.**

BISMILLAH HIRRAHMAN NIRRAHIM

**ASSALAMUALAIKUM WARAHMATULLAHI TAALA WABARAKATUH DAN
SELAMAT SEJAHTERA.**

**MENGADAP KE BAWAH DULI YANG MAHA MULIA TUANKU SYED
FAIZUDDIN PUTRA IBNI TUANKU SYED SIRAJUDDIN JAMALULLAI,
TUANKU CANSELOR KUKUM DAN DULI YANG TERAMAT MULIA
TUANKU HAJJAH LAILATUL SHAHREEN AKASHAH, RAJA PUAN MUDA
PERLIS.**

**AMPUN TUANKU, SEMBAH PATIK MOHON DIAMPUN,
TERLEBIH DAHULU PATIK BAGI SELURUH WARGA KOLEJ UNIVERSITI
KEJURUTERAAN UTARA MALAYSIA INGIN MERAFAK SEMBAH,
MENJUJUNG KASIH YANG TIDAK TERPERI DI ATAS PERKENAN DULI
TUANKU BERDUA MENCEMAR DULI BERANGKAT KE MALAM
ANUGERAH PERKHIDMATAN CEMERLANG KOLEJ UNIVERSITI
KEJURUTERAAN UTARA MALAYSIA BUAT KALI KE-DUA INI.
SESUNGGUHNYA KEBERANGKATAN KE BAWAH DULI TUANKU BERDUA
KE MAJLIS PADA MALAM INI AMAT BESAR ERTINYA BAGI KAMI DI
KUKUM. PATIK AMAT TERHARU KERANA TUANKU TIDAK PERNAH
MENOLAK SEBARANG JEMPUTAN DARI KUKUM. TUANKU BERDUA
TELAH HADIR KE SETIAP AKTIVITI YANG DIANJURKAN OLEH KUKUM**

**SEPERTI DI MAJLIS BERBUKA PUASA DAN MAJLIS ANUGERAH
PERKHIDMATAN CEMERLANG KUKUM 2002 PADA TAHUN LEPAS,
TAKLIMAT ISTIADAT PERMASYHURAN TUANKU CANSELOR DAN
PADA DUA MINGGU YANG LEPAS IAITU KE PROGRAM SENAMROBIK
BERSAMA SELURUH WARGA KUKUM.**

AMPUN TUANKU,

**IZINKAN PATIK MENYAMPAIKAN UCAPAN KEPADA BARISAN TETAMU
YANG HADIR.**

**YANG AMAT BERHORMAT
DATUK SERI SHAHIDAN BIN KASSIM, MENTERI BESAR PERLIS DAN
YANG BERBAHAGIA DATIN SERI,**

**YANG BERHORMAT
HAJI SULAIMAN SHAFFIE, SPEAKER DEWAN UNDANGAN NEGERI
PERLIS DAN YANG BERBAHAGIA ISTERI,**

**YANG BERHORMAT
TUAN HAJI ABU HASAN BIN SALLEH, SETIAUSAHA KERAJAAN NEGERI
PERLIS DAN YANG BERBAHAGIA DATIN,**

**YANG BERHORMAT
PENASIHAT UNDANG-UNDANG KERAJAAN NEGERI PERLIS DAN YANG
BERBAHAGIA ISTERI,**

**YANG BERHORMAT
PEGAWAI KEWANGAN KERAJAAN NEGERI PERLIS DAN YANG
BERBAHAGIA ISTERI,**

**YANG BERHORMAT
DATUK-DATUK DAN DATIN-DATIN,**

DIF-DIF KEHORMAT,

**YANG BERBAHAGIA
PROF. DR. ALI YEON MD. SHAKAFF, TIMBALAN REKTOR KUKUM DAN
YANG BERBAHAGIA ISTERI,**

PEGAWAI-PEGAWAI UTAMA KUKUM,

KETUA-KETUA JABATAN, DEKAN-DEKAN,

WAKIL-WAKIL MEDIA YANG DIHORMATI,

TUAN-TUAN DAN PUAN-PUAN SEKALIAN.

**BERSYUKUR KE HADRAT ALLAH SUBBHANAHU WA TAALA KERANA
DENGAN LIMPAH KURNIA DAN IZIN - NYA DAPAT KITA BERSAMA-SAMA
BERKAMPUNG SEKALI LAGI DI MAJLIS MALAM ANUGERAH
PERKHIDMATAN CEMERLANG KUKUM BUAT KALI KE-DUA DI BANDAR
DIRAJA YANG PERMAI LAGI MEMPERSONA INI.**

**TERLEBIH DAHULU SAYA INGIN MERAKAMKAN SETINGGI-TINGGI
PERHARGAAN DAN UCAPAN TERIMA KASIH KEPADA YANG AMAT
BERHORMAT DATO' SERI SHAHIDAN BIN KASSIM, MENTERI BESAR
PERLIS INDERA KAYANGAN DAN YANG BERBAHAGIA DATIN SERI
KERANA SUDI HADIR KE MAJLIS INI. TAHNIAH DAN SYABAS SEKALI
LAGI DIUCAPAKAN KEPADA PIMPINAN YANG AMAT BERHORMAT
DATO' SERI DI ATAS KEMENANGAN BARISAN NASIONAL DI NEGERI
PERLIS PADA PILIHANRAYA BARU-BARU INI. UCAPAN TERIMA KASIH
JUGA KEPADA SEMUA DIF-DIF KEHORMAT DARI PELBAGAI JABATAN
DAN INSTITUSI PENDIDIKAN DI NEGERI PERLIS INI KERANA SUDI
MELAPANGKAN SEDIKIT WAKTU UNTUK HADIR PADA MALAM YANG**

**PENUH BERMAKNA BAGI KAMI DI KUKUM. KECIL TAPAK TANGAN,
NYIRU KAMI TADAHKAN.**

**SYABAS DAN TAHNIAH SAYA UCAPKAN KEPADA SELURUH AHLI
JAWATANKUASA MALAM ANUGERAH PERKHIDMATAN CEMERLANG
KERANA TELAH BERTUNGKUS LUMUS DALAM WAKTU YANG CUKUP
SINGKAT BAGI SEGALA PERSIAPAN DAN PERSEDIAAN UNTUK MAJLIS
PADA MALAM INI.**

TUAN-TUAN DAN PUAN-PUAN SEKALIAN,

**LAUT MANA YANG TIDAK BEROMBAK, BUMI MANA YANG TIDAK DI
TIMPA HUJAN. BEGITU LAH IBARATNYA KUKUM. DIAM TAK DIAM
SUDAH HAMPIR TIGA TAHUN KUKUM BERTAPAK DI BUMI YANG
BERTUAH INI. SUDAH PELBAGAI KEJAYAAN KITA LAKARKAN
BERSAMA, SUDAH PELBAGAI ONAK DAN RANJAU KITA HARUNGI JUGA
BERSAMA. SYUKUR ALHAMDULILLAH KERANA SEGALA UJIAN DAN
DUGAAN DARI ALLAH SUBBHANA WA TAALA ITU TELAH
MEMATANGKAN KITA DALAM MENGATUR PERJALANAN. BUKAN
MUDAH ORGANISASI SEBESAR KUKUM INI DITADBIR KALAU BUKAN
KERANA PEMUAFAKATAN, ILTIZAM, KOMITMEN SERTA DEDIKASI
WARGANYA.**

**UNTUK PENGETAHUAN SEMUA KUKUM KINI MEMPUNYAI BILANGAN
PEKERJA SERAMAI 430 ORANG YANG TERDIRI DARI KUMPULAN**

PENGURUSAN DAN PROFESIONAL DAN KUMPULAN SOKONGAN. ANGKA INI AKAN BERTAMBAH DARI MASA KE SEMASA. DALAM MENTADBIR SEBUAH UNIVERSITI, SAYA PERNAH SUARAKAN SEDIKIT MASA LALU BETAPA SAYA INI IBARAT NAKHODA KAPAL. TIDAK AKAN BELAYAR JAUH KALAU TIADA SOKONGAN DARI TUAN-TUAN DAN PUAN-PUAN SEMUA SEBAGAI ANAK KAPAL. KITA HARUS BERKERJA KERAS DALAM SATU KUMPULAN. KEJAYAAN TIDAK AKAN DATANG BERGOLEK ATAU MELAYANG. IBARAT YANG BIJAK PANDAI BERKATA, ‘TIDAK ADA JALAN PINTAS MENUJU KEJAYAAN’. SAYA AMAT BERHARAP TUAN-TUAN DAN PUAN-PUAN WARGA KUKUM SEMUA DAPAT MENERUSKAN KESINAMBUNGAN BEKERJA DALAM MEMARTABATKAN NAMA UNIVERSITI INI.

SAYA JUGA PERCAYA DENGAN PERLANTIKAN TUANKU FAIZUDDIN PUTRA IBNI TUANKU SYED SIRAJUDDIN JAMALULLAI SEBAGAI TUANKU CANSELOR, KUKUM AKAN TERUS CEMERLANG SEBAGAI INSTITUSI PENDIDIKAN TINGGI AWAM. IDEA, KOMITMEN SERTA BUAH FIKIRAN TUANKU YANG BERNAS YANG DISOKONG DARI LATAR BELAKANG, PENDIDIKAN SERTA PENGALAMAN KERJA, TUANKU AKAN MAMPU MEMBAWA KUKUM KE MERCU KEJAYAAN MENJADI UNIVERSITI YANG DISEGANI SUATU HARI NANTI. INSYALLAH.

TUAN-TUAN DAN PUAN-PUAN SEKALIAN,

SEBAGAI MENGHARGAI SUMBANGAN SERTA JASA WARGA KERJA KUKUM YANG TELAH BERTUNGKUS – LUMUS MAKA TERAKAM LAH DETIK YANG BERSEJARAH BAGI SETIAP INDIVIDU YANG AKAN MENERIMA ANUGERAH PADA MALAM INI. ANGGAPLAH ANUGERAH INI SEBAGAI PEMBAKAR SEMANGAT TUAN-TUAN DAN PUAN-PUAN UNTUK TERUS BEKERJA BERSAMA-SAMA SAYA DAN KUKUM. SAYA PERCAYA SUATU HARI NANTI HASIL BERKAT DOA DAN KERJA IKHLAS KITA SEMUA KUKUM AKAN MENJADI CEMERLANG, GEMILANG DAN TERBILANG.

UNTUK MAKLUMAN HADIRIN DAN HADIRAT YANG SAYA HORMATI SEKALIAN TERDAPAT TIGA KATEGORI ANUGERAH PADA MALAM INI. ANUGERAH PERKHIDMATAN CEMERLANG, ANUGERAH KHAS PERKHIDMATAN CEMERLANG DAN ANUGERAH KHAS STAF. BAGI KATEGORI ANUGERAH PERKHIDMATAN CEMERLANG PEMILIHAN DIBUAT BERDASARKAN SISTEM SARAAN MALAYSIA (SSM) IAITU 8% DARIPADA STAF YANG BERKHIDMAT PADA TAHUN 2003 LAYAK DIPERTIMBANGKAN UNTUK MENERIMA ANUGERAH INI. PENILAIAN AKAN DIBUAT BERDASARKAN LAPORAN PRESTASI 2003. STAF YANG MENDAPAT MARKAH 85% DAN LEBIH ADALAH LAYAK DIPERTIMBANGKAN UNTUK MENERIMA ANUGERAH INI. KEPUTUSAN PEMILIHAN INI ADALAH DI BAWAH TANGGUNGJAWAN PANEL

**PEMBANGUNAN SUMBER MANUSIA KUKUM BERDASARKAN
PEKELILING KEMAJUAN PENTADBIRAN AWAM BILANGAN 2 TAHUN
2002.**

**UNTUK ANUGERAH KHAS PERKHIDMATAN CEMERLANG PULA
KRITERIA PEMENANG DIBERIKAN KEPADA STAF TETAP DAN
SAMBILAN YANG TELAH BERKHIDMAT MULAI TEMPOH 1 JANUARI 2003
SEHINGGA 31 DISEMBER 2003. STAF YANG MENDAPAT MARKAH 85%
DAN LEBIH ADALAH DIPERTIMBANGKAN UNTUK MENERIMA
ANUGERAH. PENILAIAN JUGA DIBUAT BERDASARKAN KUALITI DAN
KUANTITI HASIL KERJA YANG CEMERLANG SAMA ADA DI PERINGKAT
PUSAT, JABATAN DAN UNIVERSITI SERTA USAHA DAN INISIATIF UNTUK
MENCAPAI KESEMPURNAAN HASIL KERJA DAN PERLAKSANAAN
DALAM TEMPOH MASA YANG DITETAPKAN.**

**UNTUK ANUGERAH KHAS STAF PULA ANUGERAH INI DIBERIKAN
KEPADA STAF TETAP DAN SAMBILAN YANG TELAH MEMBERIKAN
SUMBANGAN AKTIF DAN CEMERLANG DALAM BIDANG TERTENTU
SEPERTI SUKAN, KEBAJIKAN, SOSIAL DAN LAIN-LAIN. PENILAIAN
ADALAH BERDASARKAN KEPADA MASA YANG DILUANGKAN UNTUK
PENGLIBATAN, USAHA YANG DIJALANKAN UNTUK PENGLIBATAN DAN
KESAN POSITIF PENGLIBATAN KEPADA MASYARAKAT DAN KUKUM.
TUAN-TUAN DAN PUAN-PUAN SEKALIAN,**

**KUAT AKAR KERANA TUNJANG, KUAT TUNJANG KERANA AKAR.
BEGITU LAH HENDAKNYA KITA SEMUA. SAYA MAHU DALAM APA JUA
PERKARA YANG ANDA SEMUA LAKUKAN TANAMKAN LAH SIFAT
MUAFAKAT. KEPADA PEMENANG ANUGERAH PADA MALAM INI
SYABAS SAYA UCAPKAN. PUN BEGITU TIDAK BERERTI MEREKA YANG
TIDAK MENERIMA ANUGERAH PADA MALAM INI BELUM CUKUP
BAGUS. TUAN-TUAN DAN PUAN-PUAN SEMUA ADALAH PEMENANG DI
HATI SAYA KERANA TANPA ANDA SEMUA KUKUM TIDAK AKAN
BERDIRI MEGAH SEPerti HARI INI.**

**SEBELUM MENGAKHIRI UCAPAN PADA MALAM INI SAYA INGIN SEKALI
LAGI BERPEsAN KEPADA SELURUH WARGA KERJA KUKUM BEKERJA
LAH BERSUNGGUH-SUNGGUH DEMI MEMAJUKAN AGAMA, BANGSA
DAN TANAH AIR. RENUNGAN LAH SEJENAK MADAH CENDIAKAWAN
BARAT INI:**

**‘THINGS WE DO TODAY WILL CHANGE OUR LIVES
TOMORROW’**

AMPUN TUANKU,

**SEKIAN SAHAJA UCAPAN PATIK. AKHIR KATA SEKALI LAGI PATIK
INGIN MERAFAK SEMBAH MENJUJUNG KASIH YANG TIDAK
TERHINGGA KEPADA DULI TUANKU BERDUA BERANGKAT KE MAJLIS
ANUGERAH PERKHIDMATAN CEMERLANG INI. PATIK SUDAH DENGAN**

**WABILLAHITAUFIK WALHIDAYAH WASSALAMUALAIKUM
WARAHMATULLAHI TAALA WABARAKATUH.**